



Reykjavík, 7 apríl 2017
2013090049
4.1.0

Borgarráð

Ráðhúsinu
101 REYKJAVÍK

Á fundi íþróttar- og tómstundaráðs í dag voru lögð fram drög að samstarfssamningi milli Reykjavíkurborgar og Skátasambands Reykjavíkur.

Seinasti samningur við Skátasambandið rann út 31. desember 2015. Á sl. ári var greitt skv. fyrri samningi.

Nú er lagt til að gerðir verði samningar til þriggja ára frá og með 1. janúar 2017. Fjárveiting ársins 2017 er í samræmi við fjárhagsramma ÍTR og fyrirvari í samningunum um samþykkt fjárhagsáætlunar Reykjavíkurborgar ár hvert.

Samningurinn er með svipuðum hætti og gerðir hafa verið við ÍBR f.h. íþróttafélaganna. Íþróttar- og tómstundaráð samþykkti samningsdrögin og er þeim hér með vísað til borgarráðs.

Virðingarfyllst,

Ómar Einarsson

Drög 7. apríl

**Samningur um samskipta- og styrkjamál Reykjavíkurborgar
og
Skátasambands Reykjavíkur.**

Borgarstjórinn í Reykjavík f.h. Reykjavíkurborgar og formaður Skátasambands Reykjavíkur (hér eftir SSR) f.h. Skátafélaganna í Reykjavík gera með sér svofelldan samning um styrkveitingar, rekstur og önnur sameiginleg hagsmunamál.

1. Markmið og hlutverk

Samningur þessi er gerður á grunni náins samstarfs Reykjavíkurborgar og SSR á liðnum árum.

Með samningi þessum heita skátafélögin innan SSR að kappkosta að gera ungmennum kleift að taka þátt í skátastarfi m.a. með því að veita þeim greiðan aðgang að skátafélögnum og því starfi sem þar fer fram.

2. Styrkveiting

Gert er 1áð fyrir að styrkveitingar Reykjavíkurborgar nemi kr. 26.200.000,- á ári vegna reksturs skrifstofu SSR, reksturs skátaheimila, æskulýðsfulltrúa og sumarstarfs á árinu 2017.

Fjárveitingin er með fyrirvara um samþykkt fjárhagsáætlunar Reykjavíkurborgar ár hvert.

Viðbótarframlag árið 2017 að fjárhæð kr. 3.000.000,- vegna hverfatengdra verkefna. Greiðist sérstaklega samanber sértakan samning þar um.

ÍTR mun halda eftir greiðslu vegna fasteignagjalda af æskulýðsmannvirkjum SSR sem áætlaðir eru kr. 7.200.000,- árið 2017.

Eftirstöðvar greiðslna, alls kr. 19.000.000,- greiðast með jöfnum greiðslum mánaðarlega.

Styrkur vegna viðhalds mannvirkja SSR er kr. 3.000.000,- á árinu 2017 sbr. sértakan samning þar um.

Greiðsla 2017 tekur mið af verðlagsáætlun Reykjavíkur en á árunum 2018 og 2019 verður verðbætt frá og með 1. janúar 2018.

3. Skilyrði fyrir styrkveitingu

Skilyrði fyrir styrkveitingu er að SSR skili ÍTR ársreikningi og starfsskýrslu. Við undirritun samnings skal SSR leggja fram áætlun til þriggja ára um helstu verkefni og áherslur á barna- og unglingastarf á tímabilinu. SSR skal í áætlunum sínum setja fram skýr markmið um starfsemina, tillögur að settu marki og hvernig skuli staðið að mati á árangri.

SSR skal hafa virka jafnréttisstefnu og siðareglur og fylgja mannréttinda- og forvarnarstefnu Reykjavíkurborgar og kynna sér stefnumótun Reykjavíkurborgar í mannréttinda- og forvarnarmálum.

Styrkþegi skal veita upplýsingar um kyngreind gögn vegna hins styrkveitta verkefnis, ef þess er óskað.

SSR skal halda kynningu á því verki sem fjárveiting fór til án sérstakrar þóknunar sé eftir því óskað af Reykjavíkurborg. SSR skal upplýsa í kynningum á starfsemi sinni að sambandið njóti fjárfamlaga frá Reykjavíkurborg.

5. Rekstrarstyrkir og viðhald

ÍTR f.h. Reykjavíkurborgar og SSR gera með sér samkomulag um greiðslur og aðra framkvæmd vegna rekstrarstyrkja fyrir hvert fjárhagsári, sem lagt er fyrir stjórn ÍTR og SSR að aflokinni gerð fjárhagsáætlunar hvers árs. ÍTR mun annast öll fjármálaleg samskipti milli Reykjavíkurborgar og SSR.

Styrkveiting vegna viðhalds skátamannvirkja skal eftir atvikum ákveðin sérstaklega af ÍTR.

6. Samskipti

Stjórnir ÍTR og SSR annast framgang samnings þessa. Framkvæmdastjórar og skrifstofur samningsaðila annast dagleg samskipti aðila. Stjórnir ÍTR og SSR eru sammála um að veita hvor öðrum gagnkvæma ráðgjöf um þau málefni sem aðilar vísa sín á milli til umsagnar.

7. Trúnaður

Samningsaðilar skulu virða sem trúnaðarmál allar þær upplýsingar um starfsemi gagnaðila sem þeir kunna að öðlast við framkvæmd samnings þessa nema lög kveði á um annað, enda séu þær ekki almennt þekktar eða hafi verið gerðar opinberar. Þagnarskyldan helst eftir samningslok. Fulltrúar SSR skulu virða þagnarskyldu skv. 101 gr. sveitarstjórnarlaga nr. 138/2011 og meðhöndla persónuupplýsingar af fyllsta trúnaði og gæta ákvæða laga nr. 77/2000 um persónuvernd og meðferð persónuupplýsinga.

8. Vanefndir og meðferð deilumála

Reykjavíkurborg áskilui sér rétt til að rifta samningi þessum og/eða krefjast endurgreiðslu ef sannanlega er um forsendubrest eða vanefndir að ræða af hálfu SSR. Telji annar samningsaðili sig ekki geta uppfyllt ákvæði samnings þessa skal tilkynnt um það tafarlaust skriflega. Ef fjárfamlag frá Reykjavíkurborg er notað í öðrum tilgangi en samkvæmt samningi þessum eða á þann hátt að gengur í berihogg við markmið og stefnu borgarinnar áskilur Reykjavíkurborg sér rétt til að rifta samningum og/eða krefjast endurgreiðslu framlagsins að hluta eða öllu leyti þegar í stað. Rísi mál vegna samningsins skal það rekið fyrir Héraðsdómi Reykjavíkur.

9. Gildistími

Samningur þessi tekur gildi frá og með 1. janúar 2017 og gildir til 31. desember 2019. Hvor aðili um sig getur þó óskað endurskoðunar á samningnum á samningstímanum

Samningur þessi er gerður í þremur samhljóða eintökum, einu fyrir hvorn aðila.

Reykjavík, 2017

F.h. borgarsjóðs.

F.h. Íþrótt- og tómstundaráðs. F.h. Skátasambands Reykjavíkur

Vottar að réttri undirskrift, dagsetningu:

Nafn kt.

Nafn kt.